

Bases para a instalación de postos os días 27, 28 e 29 de marzo de 2026 na “Festa da Reconquista da Vila de Vigo”

Festa de Interese Turístico Nacional

ÍNDICE

Bases de participación e instalación de postos de venda

Anexo 1: Convocatoria: Prazo inscrición, criterios de adxudicación, ingreso e fianza

Anexo 2: Modelo de solicitude

Anexo 3: Modelo de vestiario

Anexo 4: Modelo de postos de venda

Anexo 5: Modelo de declaración responsable sobre condicións hixiénicas e técnico sanitarias
e Modelo Declaración responsable de venda ambulante

Anexo 6: Plano de ámbito territorial do mercado

1. Obxecto

O obxecto das presentes bases particulares é a regulación da participación e instalación dos postos de venda ambulante no mercado ocasional que se celebra con motivo da Festa da Reconquista da Vila de Vigo, conforme a convocatoria anual que a tal fin publicará a AVC Casco Vello dentro do primeiro trimestre do ano(anexo I).

2. Postos de venda

2.1. Correspóndelle á organización a distribución dos postos, conforme co espazo dispoñible e coas súas características (tamaño, actividade, etc.) atendendo, na medida do posible, ás peticións das solicitudes. Ningunha empresa poderá optar a un posto que non se corresponda coa súa propia actividade comercial.

2.2. O espazo será de 2 x 2 metros. Enténdese como zona de venda o frontal do posto, non ningún dos laterais. Toda decoración ou actividade relacionada co posto (mobiliario, mesas, cadeiras, barra...), estará situado dentro do espazo adxudicado (**especial atención o apartado 3.4.**) O aumento de dimensións de calquera dos postos deberá ser solicitado no momento da inscrición, e será confirmado o tamaño aceptado o 30 de xaneiro.

2.2.1. Artesanía: cada espazo dedicado á venda de artesanía, se a súa fronte ou o seu fondo non supera os 2 metros, achegará 200 € (130 € en concepto de colaboración coa festa para axuda de gastos de organización, e 70 € en concepto de fianza). por cada metro adicional ou fracción achegaran 100 € (50 € en concepto de colaboración + 50 € en concepto de fianza).

Non serán admitidos no mercado os postos que practiquen a revenda, así como os que vendan diademas de flores, globos ou roupa que non sexa tradicional.

2.2.2. Alimentación: cada espazo dedicado a alimentación (churrerías, panaderías, rosquillas...), achegarán cada un deles 420 € (210 € en concepto de colaboración coa festa para axuda de gastos de organización + 210 € en concepto de fianza). Se a súa lonxitude ou profundidade excedese desta medida, a achega a maiores será de 100 € (50 € en concepto de colaboración coa festa e outros 50 € en concepto de fianza) por cada metro adicional ou fracción (máximo 4 x 3).

2.2.3. Hostalaría: cada espazo dedicado a hostalaría, achegarán cada un deles 550 € (275 € en concepto de colaboración coa festa para axuda de gastos de organización + 275 € en concepto de fianza). Se a súa lonxitude ou profundidade excedese desta medida, a achega a maiores será de 120 € (70 € en concepto de colaboración coa festa e outros 70 € en concepto de fianza) por cada metro adicional ou fracción (máximo 4 x 3).. A organización entregara 250 vasos oficiais mais 100 por metro lineal adicional de posto.

2.2.4. Postos de grandes dimensións: serán considerados postos de grandes dimensións aqueles que superen os 4 metros de lonxitude ou os 3 de fondo. A achega de cada un deles será de 475 € en concepto de colaboración coa festa para axuda de gastos de organización, + 475 € en concepto de fianza (para os primeiros 12 metros cadrados, e máximo de 50 metros cadrados), Se a súa lonxitude ou profundidade excedese desta medida, a achega a maiores será de 26 € (13 € en concepto de colaboración coa festa + 13 € en concepto de fianza) por cada metro cadrado. A organización entregara 500 vasos oficiais.

2.2.5. **Postos de dimensións especiais:** serán considerados postos de dimensións especiais, aqueles que superen os 50 metros cadrados. A achega de cada un deles será de 550 € en concepto de colaboración coa festa para axuda de gastos de organización, + 550 € en concepto de fianza (para os primeiros 12 metros cadrados), Se a súa lonxitude ou profundidade excedese desta medida, a achega a maiores será de 32 € (16 € en concepto de colaboración coa festa + 16 € en concepto de fianza) por cada metro cadrado. O aumento de dimensións do posto deberá ser solicitado no momento da inscrición e autorizado pola organización. A organización entregara 500 vasos oficiais da festa.

2.3. A achega solicitada en concepto de fianza utilizarase única e exclusivamente para garantir o cumprimento das bases.

2.4. **Os postos de hostalaría e alimentación deberán protexer con material impermeable e resistente á calor toda a superficie ocupada polo posto cun ancho de 1,50 metros a maiores na fronte onde estea o mostrador de servizo ao público**, segundo normativa municipal. Preferiblemente con material ignífugo de cor escura (moqueta industrial...). O rematar o evento a superficie terá que quedar limpa, sendo responsabilidade do posto. **O non cumprimento terase en conta de cara a vindeiras edicións**, usando a fianza para restituír o espazo, e aténdose a supervisión do Concello de Vigo, que poderá sancionar ata con mil euros dependendo do custe da reparación ou limpeza do pavimento.

Para a protección contra o derrame de líquidos {especialmente produtos inflamables (aceites...)}, deberán contar cun recipiente (Ver exemplo no anexo 4) con elementos supresores de lume, tales como area, graba, sepiolita...)o cal deberá contar cun fondo proporcional o diametro do recipiente no que se cociña

2.5. Todos os postos contarán con recipientes destinados ao lixo, e farán a separación pertinente (envases, vidro e cartón). Ao remate da actividade deberán deixar todo limpo, tanto de posibles manchas como de calquera outro tipo de resto ou refugallo, e depositarán o lixo producido en bolsas ou sacos pechados nos colectores habilitados para tal fin por todo o recinto.

2.6. Os postos con alimentos confeccionarán unha listaxe de alérxenos, segundo lexislación vixente, que ubicarán nun sitio visible e á disposición da clientela, e tamén cunha listaxe de provedores para garantir a trazabilidade, con datos sobre data de adquisición, caducidade e composición para, en caso de intoxicación, identificar rapidamente a procedencia.

2.7. Todos os postos que se dediquen a alimentación ou que utilicen ferramentas terán que dispor dunha botica de primeiros auxilios, e todos os que utilicen lume (cociñas, carbón, etc.) deberán ter obrigatoriamente un extintor eficacia 21A-113B.

2.8. A organización subministrará os postos que o soliciten un bidón para a recollida de aceites usados, que terán que recoller e entregar o rematar o mercado no punto sinalado pola organización.

3. Condicións de participación

3.1. Todo posto que venda bebidas nas rúas ou prazas terá que utilizar os vasos "oficiais" da festa.

3.2. Todo posto terá que permanecer aberto durante o horario de celebración do evento. O peche ou non apertura que non sexa debidamente xustificado e autorizado dará lugar ás medidas disciplinarias que a organización considere oportunas, conforme coas bases establecidas.

3.3. As persoas que atendan os postos deberán ir vestidas conforme coa época na que está ambientada a festa en Vigo (para máis información consulten o Anexo 3).

3.4. No posto colocarse un cartel co nome comunicado na inscrición que será entregado pola organización no momento da validación do posto, **e que será o do colectivo ou empresa que o solicite**, co número asignado e os logotipos do Concello de Vigo e da AVC Casco Vello. Ademais, a organización entregará un permiso, cos datos da persoa responsable e das características do posto, á disposición de inspección de traballo, sanidade, policía, etc.

3.5. Todos os postos deberán estar ambientados e adornados con elementos e materiais propios da época na que transcorre a festa (principios do século XIX, ano 1809). Terán que disimular todo o material moderno, plástico, metal, etc., que se

empregue para a súa

materiais tradicionais como tea de saco, xesta, canizo, etc. Non están permitidos a vista os toldos plásticos, así como cores fosforescentes.

construción, e para tal fin empregarán

- 3.6. Non se permitirá publicidade (pancartas, carteis, bandeiras, etc.) que non teña relación coa festa.
- 3.7. Os postos que precisen facer lume para realizar as súas funcións deberán facelo constar na solicitude. Será obrigatorio para tal fin o uso de carbón vexetal e ter as grellas correctamente illadas. Non se poderá facer lume debaixo de toldos, instalacións eléctricas, etc, **e como mínimo estar distanciados 1,5 metros do teito**. Os equipos de gas contarán con conxunto regulador para gas con “casquillo”, manguera e bombona homologadas. **Quedan prohibidas as cociñas estilo “Camping Gas”**.
- 3.8. Todos os carteis, prezos e rótulos estarán redactados en galego cunha tipografía acorde coa época na que está ambientada a festa (ano 1809). A listaxe de prezos deberá estar á vista e non se poderá alterar durante os días da mesma. A música e a animación deben ter unha temática axeitada á época e calquera alteración deste espírito será motivo de apertura de expediente de sanción ao posto. Queda prohibida a instalación de aparellos reprodutores de música.
- 3.9. A organización **NON** proporcionará unha toma de corrente. **As excepcións (de habelas) serán debidamente xustificadas e autorizadas pola organización**. (os elementos autorizados disporán da marcación CE, así como as instalacións de carácter ambulante ou postos de feira que xa dispoñan de certificado de instalación rexistrado conforme o número 5.6 da ITC BT 04* (postos de feira, atraccións, circos ou análogos).

Non se permitirá a instalación de xeradores eléctricos de corrente ou grupo electrógeno que funcionen con combustibles líquidos, soamente acumuladores de enerxía. No caso de autorizar algún elemento deberá cumprir os requisitos establecidos* en ITC BT 40; ITC BT 04.

- 3.10. Montaxe do mercado, o xoves 26 de marzo entre as 19:00 h e as 23:00 h (Sempre que non interfira na vida diaria do barrio) ou dende as 09:30 h do venres 27 de marzo.

- 3.11. Apertura do mercado:

- **Venres 27 de marzo de 17:00 h a 23:30 h.**
- **Sábado 28 de marzo de 11:00 h a 23:30 h.**
- **Domingo 29 de marzo de 11:00 h a 21:00 h.**

A persoa representante do posto terá que asinar a folla de rexistro facilitada polo representante da organización na que se validarán as condicións de apertura do posto (hora efectiva de apertura, vestiario, adecuación, protección dos produtos do chan, etc.). A non sinatura da folla de rexistro significará a retirada inmediata do posto.

- 3.12. Representación: A representación da Reconquista será o domingo 29 de marzo ás 18:00 h, comezando na Porta do Sol.
- 3.13. Os vehículos deberán ser retirados do recinto antes **das 14:00 horas o venres 27 de marzo, e antes das 10:00 h o sábado 28 e o domingo 29 de marzo**, e non poderán volver a entrar nel ata o peche do mercado diario, e se as circunstancias de afluencia de xente así o aconsellaran e permitiran.

4. Seguridade e hixiene

- 4.1. As comidas serviranse en envases de barro, louza ... ou madeira. Prohíbese expresamente a utilización de materiais plásticos ou metálicos (latas) para tal fin, incluídos pratos, garfos, culleres, etc., **e prohíbese tamén a venda de botellas de vidro** para consumo inmediato, nin sequera se estes materiais están disimulados.

- 4.2. Por cuestións de hixiene, prohibese a reutilización de envases, estes serán dun só uso ou de venda á clientela. A Organización pon a disposición dos postos vasos dun só uso co logotipo da festa en varios tamaños.
- 4.3. Todas as caixas (sacos, bolsas...) que conteñan alimentos estarán illados do chan.
- 4.4. Por prevención de contaminación cruzada, a superficie do posto estará limpa e ordenada.
- 4.5. É obrigatorio o cumprimento do Real decreto 3484/2000, do 29 de decembro, polo que se establecen as normas de hixiene para a elaboración, distribución e comercio das comidas preparadas (sempre por persoas con carné de manipulador de alimentos). Os alimentos non poderán estar ao alcance directo do público, tendo que estar separados ou protexidos.
- 4.6. Está prohibido verter residuos sólidos ou líquidos á rede xeral de pluviais nin á de saneamento.

5. Disposicións finais

- 5.1. As persoas responsables dos postos terán que acudir **obrigatoriamente** á reunión de seguridade que terá lugar o venres 27 de marzo, na quenda que lle adxudiquen, e no lugar que indique a organización. Na que se fará a implantación do plan de auto-protección, no cal se tratarán os riscos propios da actividade do mercado tradicional, as medidas preventivas a aplicar, e a resposta ás posibles situacións de emerxencia dun xeito coordinado entre os postos, a organización e os medios de auto-protección humanos e técnicos, dispostos para o evento.
- 5.2. Todo posto terá que ser retirado antes de abandonar o recinto da festa o domingo 29 de marzo.
- 5.3. Queda terminantemente prohibida a venda de alcol a menores de idade. Será responsabilidade única e exclusiva do solicitante do posto cumprir esta condición.
- 5.4. A organización non se responsabilizará do posible deterioro, furto ou perda de material ou mercadoría, polo que recomenda a súa retirada durante a noite.
- 5.5. A organización declina no posto vendedor toda responsabilidade sobre a calidade, composición, manipulación, elaboración ou prezo dos produtos por el expostos ou vendidos, así como das condicións laborais das persoas que participen nel, que terán que cumprir a lexislación laboral vixente segundo corresponda.
- 5.6. Por motivos de seguridade, orde ou limpeza poderase modificar o plano de situación dos postos no propio día da festa.
- 5.7. O incumprimento de calquera dos puntos destas bases suporá a perda total da fianza e o abandono da festa por requirimento da organización. As persoas presentes nos postos deberán respectar as accións de validación e de supervisión do persoal da organización.
- 5.8. As incidencias en materia de instalación dos postos serán resoltas pola organización de xeito motivado e inapelable, e teranse en conta para vindeiras edicións as incidencias que puideran acontecer.
- 5.9. Os acordos e actuacións da AVC Casco Vello poderán ser impugnadas polas persoas asociadas ou persoa que acredite un interese lexítimo se os estimase contrarios ao regulamento xurídico.
- 5.10. Estas bases están suxeitas a cumprir o "Protocolo de actuación con medidas hixiénico-sanitarias antivíricas fronte a unha posible situación de pandemia ou afección similar".
- 5.11. Estas bases están suxeitas a modificacións por cambios na lexislación vixente correspondente.
- 5.12. A solicitude dun posto para participar na festa supón a aceptación total destas bases.